



Broj: 12-08-5-1514-1/2024
Sarajevo, 9.4.2024. godine

Svi predsjednici općinskih/osnovnih sudova
Svi predsjednici kantonalnih/okružnih sudova
Svi predsjednici okružnih privrednih sudova
Predsjednik Višeg privrednog suda
Predsjednik Osnovnog suda Brčko Distrikta BiH
Predsjednik Apelacionog suda Brčko Distrikta BiH

Predmet: Provođenje „Sedmica sudske nagodbe“ u sudovima u BiH

Poštovani,

Kao dio nastojanja da se podigne svijest javnosti o prednostima zaključenja sudske nagodbe, ali i nastojanja da se inicira aktivnija uloga pravosudne zajednice u BiH u pogledu šire upotrebe sudske nagodbe, Visoko sudsko i tužilačko vijeće BiH (VSTV BiH, Vijeće) od 2016. godine organizuje „Sedmice sudske nagodbe“. U skladu sa ustaljenom praksom, i ove godine, svi prvostepeni i drugostepeni sudovi u BiH će imati priliku da podstaknu stranke na rješavanje predmeta putem sudske nagodbe.

S tim u vezi, obavještavamo vas da će se, trinaeste po redu, „Sedmice sudske nagodbe“ **realizovati u periodu od 20. do 31. maja 2024. godine.**

Kao i do sada, sudovi imaju obavezu da u navedenom periodu zakažu ročišta u što većem broju predmeta u kojima postoji mogućnost sklapanja sudske nagodbe. Vijeće je svoje strateško opredjeljenje za unapređenje sistema alternativnog rješavanja sporova iskazalo kroz izradu i usvajanje nacrtu Strategije za alternativno rješavanje sporova, koja, između ostalog, obuhvata i institut sudske nagodbe. Sva nastojanja Vijeća za unapređenjem sistema alternativnog rješavanja sporova uključuju i sudsku nagodbu, kako zbog njenog značaja u pravnoj tradiciji BiH, tako i zbog činjenice da se metode postizanja sudske nagodbe u najvećoj mjeri podudaraju sa metodama koje se koriste u mirnom rješavanju sporova van suda.

Na ovom mjestu podsjećamo na odredbe procesnih zakona koji regulišu parničnu materiju koja se odnosi na **imperativnost nastojanja suda da**, na način koji ne ugrožava njegovu nepristrasnost, na pripremnom ročištu, kao i u toku cijelog postupka, **stranke zaključe sudsku nagodbu.**

Dosadašnjom analizom statističkih podataka o realizaciji ove aktivnosti, uočeno je da u odnosu na prethodne godine postoji negativni trend opadanja broja zaključenih sudskih nagodbi. Određeni sudovi ulažu značajne napore i ostvaruju nadprosječne rezultate, dok kod drugih sudova izostaje adekvatan angažman. Upravo zato, ističemo važnost većeg angažmana predsjednika sudova, predsjednika sudskih odjeljenja, kao i samih sudija u planiranju i realizaciji ove aktivnosti.

S tim u vezi, pozivamo predsjednike sudova da aktivno pristupe pripremi i organizaciji ove aktivnosti, te da izrade i provedu plan realizacije „Sedmica sudske nagodbe“, koji može uključivati (ali ne treba biti ograničen na):

- 1) održavanje sjednica nadležnih sudskih odjeljenja i/ili kolegija predsjednika suda, s ciljem planiranja aktivnosti i razmatranja pitanja i dilema u pogledu uloge sudije u nastojanju da stranke zaključe sudsku nagodbu;

